



HALAW SA KATITIKAN NG PANGKARANIWANG PAGPUPULONG NG SANGGUNANG BARANGAY NG MALIBAGO NA GINANAP NOONG IKA- 16 NG PEBRERO, 2024 SA SILID PULUNGANG PAMBARANGAY.

**MGA DUMALO:**

KGG. JOEL F. REGIS	PunongBarangay/Tagapangulo
KGG. MAY ELLEN A. MAGCARANG	Kagawad
KGG. JENNEFER O. CRUZADO	Kagawad
KGG. BIENVENIDO M. LINING	Kagawad
KGG. BIENVINIDO D. CO	Kagawad
KGG. JIMMY G. LLANTE	Kagawad
KGG. NILO P. HINAHON	Kagawad
KGG. EULOGIO P. FELLIZAR	Kagawad
KGG. EUNECE M. DELOS SANTOS	SK Chairperson
GNG. MARY JANE M. ITURALDE	Kalihim

DI- DUMALO:  
WALA

**KAPASYAHAN BLG. 2024 - 09**

**ISANG KAPASYAHANG PANGKALAHATANG SINUSUSUGAN ANG KAUTUSANG PAMBARANGAY BLG. 02-2003 TUNGKOL SA MAAYOS NA PANGANGASIWA NG PAGPAPADALLOY NG TUBIG NA PANUSTOS SA BARANGAY MALIBAGO, TORRIJOS, MARINDUQUE**

**SAPAGKAT**, ang Kautusang Pambarangay Blg. 02-2003 na nagtatakda ng mga alituntunin para sa pagpapadaloy ng tubig na panustos sa Barangay na ito at para sa iba pang may kaugnayang layunin ay inamiyendahan ng Sangguniang Barangay;

**SAPAGKAT**, ang ilang Artikulo at Seksiyon sa Kautusang Pambarangay Blg. 02-2003 ay hindi na naaakma sa panahon ngayon kaya't kinakailangan na magkaroon ng pagbabago sa mga alituntuning itinakda;

**DAHIL DITO**, magalang na iminungkahi ni Kgg. Jimmy G. Llante na pinangalawahan ni Kgg. Bienvinido D. Co at sinang-ayunan ng lahat ay;

**PINAGPASYAHANG PAGTIBAYIN** ang sumusunod na Kautusan:

## **KAUTUSANG PAMBARANGAY BLG. 2024-02**

### **ISANG KAUTUSANG PAMBARANGAY NA PANGKALAHATANG SINUSUSUGAN ANG KAUTUSANG PAMBARANGAY BLG. 02-2003 NA NAGTATAKDA NG MGA ALITUNTUNIN PARA SA PAGPAPADALOG NG TUBIG PANUSTOS SA PANGANGAILANGAN NG BARANGAY AT PARA SA IBA PANG MAY KAUGNAYANG LAYUNIN**

(Author: Kgg. Jimmy G. Llante)

(Co-Author: Kgg. Bienvinido D. Co)

---

#### **ARTIKULO I**

##### **Pamagat o Titulo ng Ordinansa**

**Seksiyon 1.** Ang kautusang ito ay tatawaging “Pambarangay na Kautusang Pangkalahatang Sinusugan ang Kautusang Pambarangay Blg. 02-2003 na Nagtatakda ng mga Alituntunin para sa Pagpapadaloy ng Tubig Panustos sa Pangangailangan ng Barangay at Para sa Iba Pang may Kaugnayang Layunin”.

#### **ARTIKULO II**

##### **Mga Kahulugan ng mga Salitang Ginamit**

**Seksiyon 2.** Kahulugan ng mga Salita – Upang maging maliwanag at malinaw ang kahulugan ng bawat salita o katagang ginamit, naririto ang ibig sabihin o kahulugan ng mga sumusunod na salita:

- a) Water Consumers – ang mga binibigyan ng pagkakataong makagamit ng serbisyo ng patubig matapos makabayad ng kinauukulang bayarin at kinakailangang mga papeles.
- b) Barangay Waterworks and Sanitation Committee – isang komite na siyang binibigyan ng kapangyarihan na magpatupad ng mga nasasaad sa kautusang ito na binuo sang-ayon sa Pangkat 3 Artikulo III ng Kautusang ito.
- c) Communal Faucet – isang gripo na natatayo sa isang publikong lugar/ tabingkalsada, na nakatalagang igiban ng tubig ng mga Water Consumers na malapit dito o sang-ayon sa itinakda ng Pangkat 14 ng kautusang ito.
- d) Water Meter- isang kagamitang ginagamit upang masukat kung gaano karami ang nakunsumong tubig.
- e) Watershed- isang mataas na lugar kung saan nagmumula ang tubig na dumadaloy sa ilog.
- f) Water Source- isang lugar kung saan nagmumula ang tubig na isinusuplay tungo sa mga kabahayan, Salak Spring, Kay Pinggo Spring at Kay Kino Spring, Sinambahan Spring.
- g) Environment- lugar kung saan naninirahan ang mga tao, hayop at mga halaman.

f) Management- isang pamamaraan ng maayos na pamamahala at pag-oorganisa ng tamang pagpapadaloy ng tubig at iba pang gawain na may kinalaman sa ikaayos ng patubig.

### **ARTIKULO III**

#### **Pagtatatag ng Barangay Waterworks and Sanitation Committee (BWSC), Komposisyon, mga Gampanin at Tungkulin nito:**

**Seksiyon 3.** Sa bisa ng kautusang ito ay itatalaga ang “Barangay Waterworks and Sanitation Committee (BSWC), na bubuuin ng Lupon ng Patnugutan na may limang (5) kasapi. Ang Chairman at dalawang kasapi ay sinuman sa mga kagawad ng Barangay na kanilang pipiliin sa kanila, ang ikaapat ay isang kinatawan mula sa sektor ng Agrikultura at ang panlima ay sinumang naninirahang Civil Engineer sa Barangay na ito. Sa ilalim ng BWSC ay itatag din ang dalawang sub-committees:

a) Sub-committee on Management na bubuuin ng Operation manager, Book Keeper, Plumber, Water Maintenance at Collector/Meter Reader

b) Sub-committee on Audit and Inventory na bubuuin ng Chairman at dalawang member.

**Seksiyon 4.** Ang BWSC ay may gampanin at tungkuling mangasiwa ng paggawad ng permiso sa pagkakabit ng linya, pagsisiyasat kung may paglabag na illegal na pagkakabit ng linya ng tubig, may gumagamit ng makinang di-motor na direktang nakatakid sa linya ng tubo na dumadaloy papunta sa mga kabahayan, bagaman ang anumang paghahabol ukol doon ay maaaring iharap sa Punong Barangay.

**Seksiyon 5.** Ang BWSC ay may tungkuling magrekomenda para ihabla at patawan ng kaukulang kaparusahan ayon sa bigat ng pagkakasala ang sinumang lumapastangan sa linya ng tubig at sa lugar na pinagmumulan nito (water source).

a) Ang “sub-committee on management” ang mamamahala sa maayos na pagpapadaloy ng tubig, pagmo-monitor, “meter reading” “collecting of fees”, pagtatakid ng metro ng tubig at pagsasaayos ng depektibong linya ng tubig.

b) Ang Plumber, Water Maintenance at Meter Reader/Collector ay dapat nasa edad na 30-60 taong gulang at magbibigay ng sertipiko ng kalalagayan ng kanilang kalusugan kung sila ay “physically fit” sa nakatalagang gawain.

c) Ang pagbabasa ng metro para sa nakonsumong tubig ay isasagawa tuwing ika- 24 hanggang ika-26 ng bawat buwan at ang takdang pangongolekta ng bayarin sa konsumo ng tubig ay tuwing ika-28 hanggang ika-30 ng bawat buwan.

d) Ang lahat ng makokolektang bayarin ay ireremit sa Ingat-Yaman ng Barangay na hindi lalagpas ng dalawampu at apat (24) na oras matapos makapangolekta para magawan ng “Official Receipt”.

e) Kung magkakaroon ng pagsasaayos ng linya ng tubig at iba pang gawaing nauukol sa patubig, gagawa ng rekomendasyon ang management na ipapasa sa BWSC para sa pag review at rekomendasyon at ipapasa sa kasalukuyang Punong Barangay upang aprobahan ang pondo.

f) Ang “sub-committee on Audit and Inventory” ang magsasagawa ng auditing quarterly at Inventory tuwing Hunyo at Disyembre ng bawat taon. Ang audit and inventory report ay ipapasa sa Lupon ng Patnugutan para sa kaukulang pag-aaral at aksyon.

g) Ang Plumber at Water Maintenance ay isasama sa plantilla ng lahat ng tumatanggap ng honorarium sa barangay na ang pondo ay nagmumula sa 55% Personal Services at ang Collector/Meter Reader at Bookkeeper naman ay tatanggap ng honorarium mula sa buwanang kita ng patubig.

## **ARTIKULO IV**

### **Mga Kailangan sa Pagkuha ng Permisong Pagkakabit ng Linya ng Patubig**

**Seksiyon 6.** Ang lahat ng mga mamamayan ng barangay na ito ay dapat kumuha, hindi lamang ng kailangang Barangay Clearance, kundi higit sa lahat ay ang kinauukulang permisong bago sila makapagpakabit ng linya ng patubig, maghahain din ng bagong aplikasyon ang mga dating gumagamit ng patubig upang maisaayos ang mga talaan ng lahat ng kasapi at matalastas ang mga bagong patakaran na paiiralin sa wastong pagpapadaloy ng tubig.

**Seksiyon 7.** Sa pagkuha ng permisong, dapat maghain ng kahilingan o aplikasyon sa Barangay Waterworks and Sanitation Committee, na ang gagamiting pormularyo ay manggagaling sa BWSC. (Tingnan ang bagong pormularyo na may ANNEX A)

**Seksiyon 8.** Ang kahilingan ay dapat lagyan o lakipan ng mga kinakailangang papeles, Barangay Clearance at kopya ng Official Receipt sa pagkakabayad ng aplikasyon.

## **ARTIKULO V**

### **Mga Dapat Bayaran**

**Seksiyon 9.** Sa sandaling maghain ng kahilingan o aplikasyon, ang aplikante ay magbabayad ng mga sumusunod na halaga:

1. Application Fee	-	₱ 100.00
2. Guarantee Fee -	-	₱ 100.00
3. Water meter Fee	-	₱ 1,000.00
4. Tapping Fee	-	₱ 100.00
5. Re-installation	-	₱ 100.00

**Seksiyon 10.** Ang sinumang tao na nais magpakabit ng linya ng tubig na tatawid ng kabilang kalsada ay siyang mamamahala nito hanggang sa pagbabalik na muli ng kaayusan ng kalsadang ito at siya mismo ang sasagot sa mga kagastusan kasama na ang bayad sa labor, ayon sa presyong umiiral at ang pamahalaang lokal ay walang kapanagutan sa lahat ng kagastusang magagamit ng magpapakabit ng tubig. Kapag ang linya ng tubig ay dadaan sa National Road kailangan munang kumuha ng permisong sa DPWH ang may-ari.

**Seksiyon 11.** Ang Water Consumer ay magbabayad ng kaukulang buwanang kunsumo ng tubig sa halagang Limampung Piso (₱50.00) para sa unang sampung kubiko (First Ten [10] cubic meter) na nakarehistro sa kanilang water meter at karagdagang Limang Piso (P 5.00) sa bawat kubiko ng tubig na nakarehistro sa loob ng isang buwan.

**Seksiyon 12.** Kung sakaling ang Water Consumer ay di makabayad ng kanilang buwanang kabayaran sa kanilang nakunsumong tubig sa takdang panahon, ang Water Consumer ay papatawan ng karagdagang butaw na Dalawampu't Limang Porsyento (25%) sa kabuuang halaga ng kanilang nakunsumong tubig, sang-ayon sa nakarehistrong bilang ng kubiko ng tubing sa water meter na ikinabit sa kanila. Kapag sa loob ng Tatlong (3) sunod-sunod na buwan, makalipas na sila ay padalhan ng paala-ala ng kanilang pagkakautang, ang nasabing Water Consumer ay puputulan ng serbisyo ng tubig sang-ayon sa rekomendasyon ng BWSC at sila ay magbabayad ng kaukulang halaga sang-ayon sa itinakda ng kautusang ito.

**Seksiyon 13.** Ang bawat Water Consumer ay tatakiran ng water meter na magmumula sa Pamahalaang Barangay at siya ay magbabayad ng halagang Isang Libong Piso (₱ 1,000.00), bilang guarantee deposit sa nasabing water meter, sa Ingat-Yaman ng barangay na ito, sa pamamaraan na makagagaan sa kanila, kung saan, ang BWSC na ang magtatakda.

**Seksiyon 14.** Habang “Communal Faucet – Level II System” pa ang umiiral sa ilang Sitio sa barangay na ito, ang mga Water Consumer ay magbabayad, bawat buwan, ng halagang naaayon sa mga sumusunod na layo ng bahay sa gripo:

a) 5 – 50 metro	-	₱ 40.00
b) 51 – 100 metro	-	₱ 30.00
c) 101 metro pataas	-	₱ 20.00

**Seksiyon 15.** Habang hindi pa sapat ang pasilidad ng Barangay sa ilang Sitio ay ang Level II System ang patuloy na iiral dito.

**Seksiyon 16.** Kapag kompleto na ang proyekto at handa na para sa pagpapatupad ng Level III System, ang mga Water Consumers na wala pang kakayahang magpakabit ng water meter ay patuloy na gagamit ng communal faucet at susundin ang itinataadhana ng Pangkat 6, Artikulo VI ng kautusang ito.

## **ARTIKULO VI**

### **Mga Alituntunin**

**Seksiyon 17.** Ang mga Water Consumer ay dapat sumunod sa mga kautusan at alituntuning itinakda nito at mga regulasyon na may kinalaman sa pagkakabit ng linya ng tubig.

a. Habang nasa Level II System pa ang pagdaloy ng tubig sa ilang Sitio o kabahayan ay ipinagbabawal ang paggamit ng hose patungo sa kanilang bahay bilang paraan ng pag-iigib.

b. Ang paglalaba at paliligo sa tapat mismo ng communal faucet ay mahigpit na ipinagbabawal, sa halip ay ang mga Water Consumer ay inaatasang lumayo o maghakot ng tubig sa

may layong Limang (5) metro o higit pa mula sa Communal Faucet, kung sila'y maliligo o maglalaba dito.

c. Ang mga may-ari o driver ng anumang sasakyan ay hindi pinahihintulutang maghugas ng kanilang sasakyan sa Communal Faucet. Maari lamang silang maghugas ng sasakyan dito kung sila'y iigib alinsunod sa itinatadhana ng Pangkat 3, Artikulo VII ng Ordinansang ito.

## **ARTIKULO VII**

### **Penalty Clause Provisions**

**Seksiyon 18.** Anumang paglabag sa alinmang Pangkat ng Ordinansang ito, ang mga magkakasala ay magbabayad ng halagang ₱ 500.00 sa unang pagkakasala, ₱ 700.00 sa pangalawang pagkakasala at ₱ 1,000.00 at di lalagpas sa halagang ₱ 1,000.00 sa ikatlong pagkakasala.

**Seksiyon 19.** Kung sakaling ang Water Consumer ay di makabayad ng kanilang buwanang kabayaran sa kanilang nakunsumong tubig sa loob ng tatlong sunod-sunod na buwan makalipas na sila ay padalhan ng paala-ala sa kanilang pagkakautang, ang nasabing Water Consumer ay puputulan ng serbisyo ng tubig sang-ayon sa rekomendasyon ng BWSC at siya ay muling kakabitan ng linya o bibigyan ng serbisyo ng tubig matapos maghaing muli ng aplikasyon at matapos makabayad sang-ayon sa itinatakda ng Ordinansang ito.

## **ARTIKULO VIII**

### **Mga Tadhanang Pangkatapusan**

**Seksiyon 20.** Pagpapawalang bisa (Repealing Clause).

Alinmang probisyon o may umiiral na kautusan o utos na sumasalungat sa Ordinansang ito ay iniwasto, binago, sinusugan o tuluyan ng pinawalang bisa.

**Seksiyon 21.** Paghihiwalay ng mgaTadhana (Separative Clause).

Kung sakaling may mga probisyon o alinmang bahagi ng Ordinansang ito ay matanto na hindi Konstitusyunal, at ang ilang bahagi nito ay maapektuhan, ay mananatiling ipatutupad at tutupdin, maliban kung ito ay babaguhin o sususugan ng isa pang Ordinansa.

**Seksiyon 22.**Pagkakabisa (Effectivity Clause).

Ang Ordinansang ito ay magkakaroon ng bisa o epekto o tuluyang ipatutupad at tutuparin sa sandaling pagtibayin ng Sangguniang Bayan.

Pinagtibay ng Sangguniang Barangay ng Malibago, Torrijos, Marinduque ngayong ika-16 ng Pebrero, 2024

Pinatutunayan:

**MARY JANE M. ITURALDE**  
Kalihim

PATOTOO:

**JOEL F. REGIS**  
Punong Barangay

SINANG-AYUNAN NG LAHAT:

**MAY ELLEN A. MAGCARANG**  
Kagawad

**JENNEFER O. CRUZADO**  
Kagawad

**BIENVENIDO M. LINING**  
Kagawad

**BIENVINIDO D. CO**  
Kagawad

**JIMMY G. LLANTE**  
Kagawad

**NILO P. HINAHON**  
Kagawad

**EULOGIO P. FELLIZAR**  
Kagawad

**EUNECE M. DELOS SANTOS**  
SK Chairperson